
ҚўШТЕПАДАГИ “ЙЎЛДОШОБОД” КИЧИК САНОАТ ЗОНАСИ ТУМАНДА АҲОЛИ БАНДЛИГИНИ ТАЪМИНЛАШ ВА ДАРОМАДЛАРИНИ ОШИРИШДА АСОСИЙ ОМИЛЛАРДАН БИРИГА АЙЛНАДИ

Янги иш ўринларини яратиш ва ишлаб чиқаришда рақобат муҳитини мустаҳкамлашда кичик саноат зоналари ҳам муҳим аҳамиятга эга бўлмоқда.

Хусусан, Қўштепа тумани Сармозор МФЙ ҳудудидаги “Йўлдошобод” КСЗси учун 2019 йилда 1,29 гектар ер майдони ажратилган. Ҳозиргача 6 та лойиҳа амалга оширилиб, 170 та янги иш ўринлари яратилди.

Вилоят ҳокими Хайрулло Бозоров тумандаги ўрганишлар чоғида ушбу кичик саноат зонасида бўлиб, тадбиркорлик субъектлари фаолияти билан танишди. “Кимётаъмир қурилиш” корхонасида ишлаб чиқарилаётган пойабзал маҳсулотлари сифати яхши эканлигига эътибор қаратган Хайрулло Бозоров, тадбиркорга маҳсулотларни экспортга йўналтириш, мавжуд иш ўринларини янада кўпайтириш юзасидан тавсия берди. Тадбиркор Акмалхон Солиев эса “Grand military” МЧЖ томонидан ташкил этилган трикотаж маҳсулотлари ишлаб чиқариш корхонаси ҳақида маълумот берди.

Вилоят раҳбари “Асл духоба бахмал” МЧЖга қарашли бахмал ишлаб чиқариш корхонасини, темир маҳсулотларини қайта ишлаб чиқариш корхонасини ва яна бир қатор инвестиция лойиҳалари асосида ташкил этилган ишлаб чиқариш объектларини кўздан кечирди.

Вилоят ҳокими тадбиркорлар билан суҳбатлашиб, корхоналар фаолиятини янада кенгайтириш, тайёрланаётган маҳсулотларни экспорт қилиб, иш ўринларини кўпайтириш юзасидан ўз фикр-мулоҳазаларини билдирди.

Бизни ижтимоий тармоқларда кузатинг [Facebook](#),
2021-12-03 18:20:44